

PILIPAI **Kipihac wê Pol kivuu vô tibii** **Pilipai ge**

¹ A, Pol, hixôn Timoti, xii ga Yesu Kîlisi nue yuac. Xii kivuu kipihac ga mi vông i loc vô xam vihati gê vîgwe Pilipai, xam gyovixa di xam wê xam vông yuac vac konglegesen ge hixôn xam vihati wê xam vông i vin Yesu Kîlisi ge.

² Il Mag Anutu hixôn Apumtau Yesu Kîlisi yuu i vông vizid nivîha hixôn kiyang malehe i hivun xam xôn.

Pol pimil Anutu ên tibii Pilipai

³ Tiyi buc vihati wê a mi xo xam ge od a pimil Mag Anutu ên xam,

⁴ di buc vihati wê a kitaa vô Anutu lec xam ge od a kitaa hixôn xêgyaa nivîha

⁵ ên wê xam vông yuac xolac hixôn a taxlee di i lam tyip gwêbaga hixôn ge.

⁶ Om a xovô ên a nêbê Anutu vông yuac nivîha vac xam nilôm, om ob vông yuac vac xam nilôm i tiyi buc vihati di i loc tyip lec buc wê Yesu Kîlisi obêc lop mi lôm ge.

⁷ Om môp wê a xêgyaa nivîha ên xam ge, ge môp bôbac, ên a xo xam yêp vac nilôg lec buc vihati, ên xam mi ngidu a xôn om Anutu vông vizid nivîha vô il tiyi buc vihati, gwêbaga wê a lam dô vac xumac kalabuhu ge hixôn buc wê a dô vixun di a nêl xolac vô xomxo ên a nêb he i xovô bê Anutu xolac ge kiyang nôn.

⁸ Anutu yê wê a vông nilôg hixôn piyôp vihati ge loc vô xam, ên Yesu Kîlisi vông a xêgyaa vin lec xam vihati.

⁹ Dî a kitaa vô Anutu ên a nêbê i vông môp xêyaa vin lecên wê xam vông ge i vô levac, dî i vông xovôên levac hixôn piyôp nivîha vô xam,

¹⁰ tiyi wê xam ob yaxên môp vihati nêb nivîha me nîpâên ge. Om timuên wê Kîlisi obêc vena ge od xam obêc dô nivîha dî kiyang ti ob yêp vô xam lêm,

¹¹ dî môp nivîha wê xam vông ge ob vô nôn nivîha vô xam i luu vêl ya xêkizêc wê Yesu Kîlisi vông ge. Om xomxo ob yê dî pîmil Anutu dî vông i lê i vô levac.

Wê Pol dô vac kalabuhu gê Lom ge od ngîdu xolac xôn

¹² Xam lige, a nêb a ob nêl kitong vô xam ên xam xovô bêga bê gwêbaga a lam dô vac xumac kalabuhu lê, lêc viyin tiga o le vac xolac xôn lêm. Nge, vông xolac vô levac,

¹³ om tibii vevac wê bin xumac kalabuhu ga hixôn gavman levac Sisa ben ge, he vihati hixôn xomxo baba xovô nêbê tibii tung a lam dô vac xumac kalabuhu ga ên wê a mi nêl Yesu Kîlisi kitong vô xomxo ge.

¹⁴ Ilage lige vông vinên ya xona ên wê he ob nêl xolac ge ên he nêbê mêd tibii ob vông viyin vô he ên xolac. Lêc gwêbaga he tibeac yê dî xovô bê Apumtau ngîdu a xôn vac kalabuhu, mêgem gwêbaga he le xêkizêc dî nêl Anutu xolac dî xonaên ma.

¹⁵ Vixôhilôg, he ya xêyaa vô nîpâên ên wê a lêg vô levac ge, om he nêl Kîlisi xolac ên nêb xomxo

i yê he nivîha di vông he lê i vô levac ngĩnoo a vêl. Lêc he ya nêl xolac di o xo bêge lêm.

¹⁶ Nge, he xêyaa vin lec a om he nêl xolac kitong ên he xovô ên he nêbê tibii vông a lam dô vac kalabuhu ga ên wê a ngidu xolac xôn ge.

¹⁷ Lêc he wê a nêl tax ge he nêb tibii i yê he di vông he lê i vô levac ên yuac xolac, om he nêl Kĩlisi kitong, di he o nêl xolac hixôn nilô tixed lêm. Nge, he nêl xolac ên he nêb he ob vông a lêg i tô di vông a nilôg i vô viyin vac xumac kalabuhu ga.

¹⁸ Lêc a ob nêl kiyang ti lec wê he vông ge lêm. Ên xomxo ya nêl Kĩlisi kitong hixôn nilô nivîha di ya nêl hixôn nilô nipaên. Lêc he vihati nêl Yesu Kĩlisi kitong yêp seac, om a nilôg vô nivîha.

¹⁹ Vixôhilôg, a nilôg vô nivîha gwêbaga di ob vô nivîha timuên hixôn, ên a xovô ên a nêbê xam mi kitaa lec a, di Myakilôhô Ngibua wê Yesu Kĩlisi vông ge mi ngidu a xôn om ob vô a vêl ên viyin tiga.

²⁰ Om a xo vinux yang di a dô bin wê Anutu ob ngidu a xôn, di a ob vông nipaên ti wê a nig ob yoc ên ge lêm. Nge, a nêb a ob le xêkizêc vac vông vinên gwêbaga tiyi xocbê a le xêkizêc ilage, di a ob xona ên xomxo ti lêm. A vông bêge ên a nêb a obêc dô magvîha me a obêc xib ge od a ob vông Kĩlisi lê i vô levac.

²¹ Wê a dô magvîha ga ge od a vông nilôg la yadiluhu vô Kĩlisi, lêc wê a obêc xib ge od a obêc kô vizid nivîha luu vizid wê kibun ga vêl.

²² Lêc wê a gên dô magvîha ga ge od a vông yuac nivîha wê ob vô nôn nivîha ge. Om môp

yuu xôn nivîha. Ngwe wê a ob dô magviha di ngwe wê a ob xib ge. Om a obêc timu vô ga ngwe na? Ge a lungên.

²³ A nilôg vô yuu. A xêgyaa vin lec wê a ob xib di la dô hixôn Kilisi. Môm ngwe ga luu ngwe wê dôên mavîha ge vêl.

²⁴ Lêc wê a obêc dô magviha lec kibun ga ge od ge wê a ob ngîdu xam xôn.

²⁵ A xovô kiyang tige pyap om a nêl bêga ên a nêbê a ob dô magviha lec kibun ga ên dô hixôn xam di ngîdu xam xôn ên xam lêc vông i vin xêkizêc ta di dô hixôn xêmyaa nivîha.

²⁶ Mêgem buc wê a obêc loc dô hixôn xam ge od ge wê xam xêmyaa ob vô nivîha di xam ob pimil Yesu Kilisi ên wê a vena vô xam ge.

Xomxo Pilipai hixôn Pol vông vevac ya xolac

²⁷ A nêl vô xam bêga bê môm vihati wê xam nêb xam ob vông ge, xam vông i tiyi wê Kilisi xolac nêl ge. Om a obêc loc vô xam di xê môm wê xam vông ge, me a obêc dô teva di ngô kiyang lec môm vihati wê xam vông ge, od a nêb a ob xovô wê xam le xêkizêc ta hixôn nilôm tîbed di vông vevac ya xolac hixôn piyôp tîbed ên xam nêb xomxo i ngô di vông i vin.

²⁸ Di a nêb a ob xovô wê xam o xona ên xomxo wê vông vevac vô xolac ge lêm. Ên xam obêc xona ên he lêm ge od obêc vông xovôên vô he bê Anutu obêc kitya he vêl timuên, dom xam ge xam ob dô nivîha. Ên Anutu vaci wê ob vông xam dô nivîha hixôn i ge.

²⁹ Ên Anutu nêb Kilisi lê i vô levac, om vông môm yuu vô xam ên nêb xam timu vô. Ngwe wê

xam vông i vin Kìlisi ge, di ngwe wê xam ob kilê viyin lec Kìlisi lê

³⁰ di vông vevac ya xolac ge. Ilage xam wê vevac wê a vông ya xolac ge di gwêbaga xam ngô wê a gên divông vevac ya xolac tibêge. Om il xôn ob vông i yêp tived.

2

Il ob pilepac il di vô nípwo lec

¹ Xam dô vac Kìlisi vigê vilu kwa ngibi om vông xam dô nivîha. Di Kìlisi xêyaa vin lec xam om xam dô malehe, di Myakilôhò Ngibua dô hixôn xam di ngidu xam xôn. Di xam xêmyaa mi vin lecma di xam mi xo vigwe vô pisiv ênma.

² Vixôhilôg, xam mi vông môp nivîha bêgee om a xêgyaa vô nivîha. Om a ob nêl vô xam bêga bê xam timu vô môp mangwe gae hixôn bêga bê xam piyôp i tived, di xam timu vô môp xêyaa vin lecên tived, di nilôm i tived, di xam vông i vinma kiyang. Xam obêc vông bêge ge od ob vông a xêgyaa vô nivîha yang.

³ Le i lêc xo xacxam va lêm di le i lêc yong xam lêm. Nge, xam pilepac xam di vô nípwo lec di wê xomxo vîhati i tiyi xochê he nginoo xam vêl ge.

⁴ Le i lêc viac xacxam va susu yuu yuac lêm. Nge, xam viac xomxo vîhati susu yuu yuac êno di ngidu he xôn.

Kìlisi pilepac ici va di vô nípwo lec

⁵ Xam timu vô piyôp i tived xochê Yesu Kìlisi xo ge.

⁶ Ên Yesu Kilisi yuu ma Anutu dô nôn tived lê, léc Yesu o hôm môp wê yuu ma dô tiyima ge pîlihi lêm.

⁷ Nge, ici va sea lê levac wê i vông ge di lam yubac gê kibun ga xocbê xomxo kibun ga ti di vông yuac tiyi xocbê xomxo wê vidaaên ge ti.

⁸ Yesu tu xocbê xomxo kibun ti, di pilepac ici va tu xocbê nipwo di la vac Anutu kiyang kwa ngibi di vông i tiyi wê Anutu nêl ge di i la tyip lec buc wê yib ge. Vixôhilôg, yib lec xax pola.

⁹ Mêgem Anutu vông Yesu tu levac nginoo xomxo vihati vêl, di vông lê wê nginoo lê vihati vêl ge vô i.

¹⁰ Anutu vông lê levac vô Yesu ên nêb xomxo wê dô kisii ganê ge di he wê dô kibun ga ge, hixôn he wê yib di la yêp vac kibun nilô ge, he vihati ob ngô Yesu lê di yev vixa kitu vô i,

¹¹ di nêl kitong i yêp seac bêga bê, “Yesu Kilisi ge il nêd Apumtau.” Obêc bêge ge od Mag Anutu lê ob vô levac.

Il ob dô xocbê xêseac ge vac xomxo mahigun

¹² Yesu vông yuac vihati i tiyi wê Anutu nêl ge, mêgem xam lige wê a xêgyaa vin lec xam ge, xam vông i tiyi wê Yesu vông ge. Ilage wê a dô hixôn xam ge, xam ngô a kiyang di vông i tiyi wê a nêl ge. Léc gwêbaga a lam dô teva ên xam, om a ob nêl vô xam bêga bê xam ngô kiyang di vông i tiyi wê a nêl ge i luu wê xam vông lec buc wê a dô hixôn xam ge vêl. Anutu vô xam vêl ên xam nêm nipaên, om xam vông i yuac xêkizêc ên yuac i vô nôn lec, di xam xona ên Anutu di xam nim i yoc ên môp nipaên.

¹³ Xam tiyi wê xam ob vông bêge, ên Anutu vông yuac vac xam nilôm, om ob vông xam xo môp yuu yuac wê i yê nivîha ge, di ob vông xam timu vô.

¹⁴ Yuac vihati wê xam ob vông ge, le i léc so vya vô yuac tige di nêl kiyang tibêac lec lêm.

¹⁵ Xam sea môp tibêge êdêc nipaên ti i o léc yêp vô xam lêm. Nge, xam tu xomxo wê nivîha ge, ên Anutu nue ge wê nipaên ti o yêp vac he nilô lêm. Ên xomxo kibun ga wê dô hixôn xam gwêbaga ge, he ge xomxo nipaên wê dô vac mapitoc, ên he sea môp nivîha di timu vô môp nipaên. Om xam dô vac he mahigun tiyi xocbê lam ên i vông xêseac vô he,

¹⁶ di xam nêl Anutu kiyang wê ob vông he dô maviha ge kitong vô he. Xam obêc vông bêge ge od buc timuên wê Kilisi obêc vena ge od a xêgyaa ob vô nivîha ên xam, di a ob xovô bêga bê yuac wê a vông vac xam mahigun ge, a o vông pisiv lêm, di a yuac o tô mi la lêm.

¹⁷ Vông vinên wê xam vông ge tiyi xocbê daa wê xam vông vô Anutu ge. Om tibii obêc hi a xib di kipyax a hi sea ên wê a nêl xolac vô xam ge od pyap, ên obêc tiyi xocbê a êno vông daa vô Anutu. Om a xêgyaa ob vô nivîha, di il xôn nilôd ob dô nivîha.

¹⁸ Mêgem a nêl vô xam bêga bê xam êno, xam xêmyaa i vô nivîha, di xam dô hixôn nilôm nivîha i tiyi xocbê a ge.

Pol nêl Timoti yuac kitong vô tibii Pilipai

¹⁹ Apumtau Yesu obêc tyuc lec ge od a ob vông Timoti i loc vô xam Pilipai lutibed, ên i yê yuac

wê xam vông ge, dêc lôm nêl kitong vô a, ên vông a xêgyaa i vô nivihã.

²⁰ Xomxo ngwe xocbê Timoti ge o dô hixôn a lêm. Nge, Timoti tibed wê mi xo xam tiyi xocbê a mi xo xam ên a nêb a ob ngidu xam xôn ge.

²¹ Xomxo ya ge he mi xo heche va yuac yuu ninivi, di o xo Yesu Kîlisi yuac lêm.

²² Di Timoti mô ge, xam xovô ên xam nêbê xomxo nivihã, ên mi ngidu a xôn vac yuac xolac tiyi xocbê nu ti ngidu ma xôn ge.

²³ Mêgem a nêb a ob vông Timoti i loc vô xam. Lêc gwêbaga a lungên môp wê gavman levac ob vông vô a ge. A ob yaxên lê, di vông Timoti i loc vô xam timuên.

²⁴ Lêc a xo ên a nêbê Apumtau obêc piwelac a vêl ên kalabuhu ga, om a êno obêc loc vô xam lutibed.

Pol nêl Epaplodaitas yuac kitong

²⁵ Ilage xam vông il lig vông vinên Epaplodaitas lam vô a ên xam nêb i kê xam mamôn di lam ngidu a xôn. Om i lam dô hixôn a di xii xôn vông yuac, di xii vông vevac ya xolac. Lêcom a xovô ên a nêbê a ob vông Epaplodaitas i lôc mi loc vô xam i tii vac nang,

²⁶ ên xam ngô wê yidac vông i ilage lêcom xam lungên wê yidac ma ge, om xam obêc dixo i. Mêgem vông Epaplodaitas nilô vô viyin di i dixo xam êno.

²⁷ Vixôhilôg nôn, ilage i vông yidac levac tiyi wê ob yib ge. Mêlêc Anutu xo vigwe pisiv ên i om vông i vô nivihã lec. Di Anutu xo vigwe pisiv ên a êno, ên nêb viyin tige i o hivun a xôn lêm.

²⁸ Om a xo vinux ên a nêb a ob vông i lôc mi loc vô xam i tii vac nang, ên xam wê di xêmyaa i vô nivîha, di i vông a nilôg i vô viyin maên.

²⁹ Mêgem buc wê obêc lôc mi loc vô xam ge od xam kô i lec nivîha hixôn xêmyaa nivîha di pimil Apumtau lê. Di xam vông xomxo vihati wê tiyi xocbê Epaplodaitas gee lê i vô levac,

³⁰ ên Epaplodaitas ge vông Kîlisi yuac, lêc yidac levac vông i om vô kwabo lec wê ob yib ge, lêc o xo ici va lêm. Nge, xovô nêbê xam nêb i kô xam mamnôn di lam ngidu a xôn, om nêb ob vông yuac tige i ma lê.

3

Xomxo wê vông i vin Kîlisi ge wê Anutu yê nivîha

¹ Xam lige, a nêb a ob nêl kiyang xêxuhu ya hixôn bêga bê xam xêmyaa i nivîha ên Apumtau. A nêl kiyang bêge vô xam ilage pyap, lêc a nilôg o vô viyin ên wê a ob kivuu kiyang tige i tii vac vô xam ge lêm, ên kiyang tige ob ngidu xam xôn.

² Xam viac xam ên xomxo nipaên wê tiyi xocbê noo vimen ge, ên he mi vông môp nipaên, di xam xona nêb ên he Yuda wê ninivi gôlên ge. He gôl he ninivi ên nêb ob vông xovôên vô xomxo bê he Anutu nue.

³ Lêc he o Anutu nue lêm. Nge, il ga il tu Anutu nue nôb. Lêc il o tu Anutu nue ên wê il timu vô Yuda vông môp di gôl il nidnivi ge lêm. Nge, il wê il tu Anutu nue ge wê Myakîlôhô Ngîbua ngidu il xôn di il vông lilo vô Anutu, di vông Yesu Kîlisi lê vô levac ge, di il xovô bê Yuda vông môp

kibun ga o tiyi wê ob vông Anutu yê il nivîha ge lêm.

⁴ Lêc xomxo ya timu vô Yuda vông môp kibun ên he so ên he nêb mêd môp tigeê ob vô he vêl ên he nêb nipaên. Om a obêc nêb a ob vông i vin i tiyi he ge od môp kibun wê vông a lêg vô levac ge ob nginoo wê he vông ge vêl.

⁵ Ên a ga, a Islel ti, ên a pum lec Bensamin wê Islel kehe vigê yuu di yuu tô mi la (12) ge ti, di a tag yuu mag ge Hiblu, om a êno Hiblu ti. A yubac, dêc buc vigê vilu di sec yon lam la vêl, mêd ge wê tag yuu mag gôl a nignivi tiyi môp wê xe Yuda mi vông ge. Di a kô yuac Palisi wê a mi viac môp wê Moses xolac vông ge vîhati.

⁶ Di a xo vînuv ên a nêb môp vîhati wê Moses vông ge tô vacên i ma, di a so ên a nêbê xomxo wê vông i vin Yesu ge sea Moses xolac, om a vông vîyin yuu myavînê vô he. Lêc xomxo ti obêc nêb yaxên môp wê a vông ge od obêc nêl bê a timu vô Moses xolac vîhati om nipaên ti o yêp vô a lêm.

⁷ Môp tigeê wê a vông ilage vông a lêg vô levac. Lêc gwêbaga a sea môp tigeê vîhati di xê tiyi xocbê môp pileva ge, di a vông nilôg la yadîluhu vô Kîlisi.

⁸ Vîxôhilôg, a sea Yuda môp yuu yuac wê vông a lêg vô levac ge vîhati yang, di gwêbaga a xovô a Apumtau Yesu Kîlisi vaci ên a xovô ên a nêbê i luu môp yuu xovôên kibun ga vîhati vêl. A nêb a ob timu vô Yesu, om a sea môp baba ge vîhati di xê xocbê myapîpu vidaaên ge ên a nêb a ob hóm Kîlisi tîbed pîlihi,

⁹ di dô hixôn i. Ilage a xo bêga ên a nêb Moses

xolac wê a mi timu vô ge ob vông Anutu yê a nivihã ã nêl bê a xomxo bôbac ti. Lêc gwêbaga a o xo bêge lêm. Nge, a xo ên a nêbê Anutu ob yê a nivihã ã nêl bê a xomxo bôbac ên wê a vông i vin Kĩlisi ge. Om môp tibed wê Anutu ob yê xomxo nivihã ge, ge môp vông vinên.

¹⁰ A nêb a ob xovô Kĩlisi vaci, ã xovô xêkizêc wê i vông ge. Ên Kĩlisi kidi lec mavihã vac yibên om xêkizêc wê i vông ge yêp seac, om a nêb a ob xovô xêkizêc tige. ã a nêb a ob kilê viyin i tiyi xocbê i kilê ge. Yesu kilê viyin mi yib lec, om Anutu ob nêbê a êno timu vô bêge ge od a ob kilê viyin ã xib êno.

¹¹ A ob vông bêge ên a nêb a êno ob kidi lec magvihã vac yibên.

Pol tup mi la vô yôg wê xomxo ob ngĩnoo lec ge

¹² A o xo ên a nêbê a tu ngĩbua xocbê Kĩlisi ge lêm, me a o xo ên a nêbê a vông môp vihati tiyi xocbê Kĩlisi vông ge lêm. Lêcom Kĩlisi vông a tu i xe, om a ãvông yuac xêkizêc ên a nêb a ob tu ngĩbua xocbê i ge.

¹³ Xam lige, a xovô ên a nêbê a gên o tu ngĩbua xocbê Kĩlisi ge lêm. Xovôên wê a vông ge tibed bêga bê a ob xovô môp wê a mi vông ilage lêm. Nge, a ob xovô môp wê a ob timu vô gwêbaga mô, ã vông yuac xêkizêc êdêc kô vizid nivihã timuên.

¹⁴ Om tiyi xocbê a tup ên a nêb a ob la vô yôg wê xomxo ob ngĩnoo lec ge êdêc kô non. Om nôn wê a nêb a ob kô ge, ge wê Anutu ob tyuc a la dô hixôn i ge, ên wê a vông i vin Yesu Kĩlisi ge.

15 Il vihati wê il xovô Kilisi di timu vô i ge, il piyôp i tived i tiyi kiyang wê a nêl ga. Lêc xam obêc xo kiyang ba ge od Anutu obêc nêl kitong di titô wê so ge.

16 Lêcom le i lêc sea xovôên nivîha wê xam kô pyap ge lêm. Nge, xam hôm xôn pilihi yang.

17 Xam lige, xam tup vô môp vihati i tiyi môp wê a vông ge, di xovô xomxo wê timu vô môp nivîha vihati wê xe vông vac xam mahigun mi xam wê pyap ilage.

18 Ilage a nêl xomxo nipaên kitong vô xam tiyi buc tibeac, di gwêbaga a ob nêl he kitong vô xam i tii vac nang, di a magluc tyip ên wê he tibeac vông vevac vô Kilisi xolac wê nêl ên nêbê i yib lec xax pola ge.

19 He timu vô môp wê heche va xovô ge, om ge tiyi xochê he yev vixa kitu vô anutu ba. Di he xêyaa vin lec môp nipaên wê ob vông xomxo ni yoc ge, lêc he ni o yoc ên môp tigeê lêm. Di he mi xo susu kibun ga, om obêc timuên ge od Anutu obêc kitya he vêl.

20 Dom il vông vinên ge, il bed wê Anutu ben kisii ganê, di il dô bin Apumtau Yesu Kilisi wê vô il vêl ên il nêd nipaên ge, ên obêc kidi vac ben kisii ganê di lop mi lôm i tii vac nang.

21 Buc wê Kilisi obêc vena ge od obêc pilepac il nidnivi kibun tiyi xochê ici va ninivi wê nivîha yang ge ya xêkizêc wê i vông ge. Xêkizêc wê i vông ge tiyi wê ob vông xomxo yuu susu vihati la dô vac i kwa ngibi.

Pol viac kiyang nivaha vô tibii Pilipai

¹ Xam lige, xam xovô ên xam nêbê Yesu obêc vena, om a nêl vô xam bê xam le xêkizêc hixôn Apumtau. A xêgyaa vin lec xam, di a xo xam nginong ên a nêb a ob xê xam i tii vac nang, ên xam mi vông a xêgyaa vô nivaha di vông a lêg vô levac ên wê xam vông i vin Anutu xolac ge.

² A ob nêl kiyang vô vêx yuu, Yuodia yuu Sintiki, wê yuu dô vac xam mahigun ge. Om a ob nêl vô muu bêga bê muu sea môp wê muu kunacma ge di xovô Apumtau di vông nilôm i loc tived vô i.

³ Di a nêl vô xomxo ti wê xii vông yuac tived ilage bêga bê ông ngidu vêx yuu ge xôn, ên ilage yuu hixôn Klemen di xomxo ya wê vông yuac hixôn a ge, he vihati ngidu a xôn vac yuac xolac, di he lê yêp vac Anutu kipihac maviha wê nêl he wê obêc dô maviha luta lêc luta ge lê kitong.

⁴ A nêl vô xam vihati bêga bê xam xêmyaa i vô nivaha ên Apumtau i tiyi buc vihati. A ob nêl vô xam i tii vac nang bêga bê xam xêmyaa i vô nivaha.

⁵ Xam lum nêl kiyang vô xomxo vihati ên he i ngô di xovô bê xam mi dô vac malehe. Buc wê Apumtau obêc vena lec ge vô kwabo lec.

⁶ Xam nilôm i lêc vô viyin ên susu me viyin ti lêm. Nge, xam kitaa vô Anutu lec susu vihati wê xam nêb xam ob kô ge di kitaa lec viyin vihati wê val vô xam ge. Xam kitaa vô Anutu di hi vixam i pec di pimil i,

⁷ ên xam obêc vông bêge ge od môp malehe wê Anutu vông ge ob vông xam piyôp yuu nilôm la

tibed vô Yesu Kĩlisi. Mòp malehe wê Anutu vông ge luu xovôên wê xomxo toto vông ge vêl.

⁸ Xam lige, a ob nêl kiyang ngwe vô xam i tii vac nang. Xam xovô mòp tigae bêga bê mòp wê nôn ge, di mòp wê piyôp nivihã vông ge, di mòp wê bôbac ge, di mòp wê o ningeac lêm ge, di mòp wê xêseac ge, di mòp wê xam lêm ob yêp nivihã ge, di mòp wê vông xomxo vô nivihã ge, di mòp vihati wê il xovô ên il nêbê nivihã ge. Mòp tigeê vihati xam xovô i luu vêl di hòm xôn mi i yêp vac xam nilôm.

⁹ Mòp vihati wê a tixuu xam ya mi xam xovô pyap ge, di mòp wê a nêl mi xam ngô ge, di mòp wê a mi vông vac xam mahigun di xam wê ge, xam lêc timu vô mòp tigeê vihati, ên xam obêc vông bêge ge od Anutu wê kiyang yuu mòp malehe kehe ge obêc dô hixôn xam.

Tibii Pilipai vông mone la vô Pol

¹⁰ Ilage xam xo ên xam nêb xam ob ngidu a xôn ya mone lê, lêc xam tiyiên ma. Lêc gwêbaga xam tiyi wê xam ob ngidu a xôn ge di om xam xo a tii vac nang di ngidu a xôn ya mone, om a xêgyaa vô nivihã yang di a pimil Apumtau.

¹¹ A o nêl ên a nêbê susu ma ên a lêm. Ên a xovô pyap ên a nêbê nivihã me nipaên obêc val vô a ge od pyap, ge a xêgyaa ob vô nivihã.

¹² A tiyi wê a ob dô susu maên ge, di a tiyi wê a ob tulec susu tibeac ge. A xovô wê yaên tibeac ge di a xovô wê dôên vip ge. A xovô mòp wê tulec ên susu ge di mòp wê susu maên ge. Vac nivihã yuu nipaên ge a xovô mòp wê a xêgyaa ob vô nivihã tiyi buc vihati ge.

¹³ Kìlisi vông xêkizêc wê i vông ge vô a, om a tiyi wê a ob le xêkizêc vac vîyin yuu xôn nivîha dî vông yuac wê i vông vô a ge vîhati.

¹⁴ Lêc xam vông môm nivîha vô a ên wê xam ngîdu a xôn ên vîyin wê tulec a ge.

¹⁵ Xam Pilipai, xacxam va xovô pyap ên xam nêbê buc taxlee wê a kô yuac xolac dî sea vigwe Masedonia ge od konglegesen ngwe o ngîdu a xôn lêm. Nge, xacxam va ngîdu a xôn dî vông mone vô a ên nêb il ngîduma xôn ên yuac i yêp nivîha.

¹⁶ Dî buc wê a la dô vac vigwe Tesalonaika ge od xam vông mone lam vô a lu yuu.

¹⁷ Lêc a o xo mone me susu ên a nêb xam vông i lam vô a lêm. Nge, a xo xam môci ên a nêb môm nivîha tige wê xam mi vông ge i vô levac dî vô nôn nivîha ên i vông xam lêm i vô levac.

¹⁸ Ilage xam vông mone vô Epaplodaitas ên xam nêb i kô mi lam vông vô a ên a kô. Om mone wê xam vông i lam vô a ge tiyi a dî luu wê a nêb a ob kô

ge vêl. Om susu ti o ma vô a lêm. Mone wê xam vông i lam vô a ge tiyi xochê daa wê nivivea nivîha wê xam vông vô Anutu ge. Om Anutu ob yê daa tige nivîha dî kô hixôn xêyaa nivîha.

¹⁹ Il nêd Anutu ge tu susu nivîha vîhati yang kehe. Om xam susu ti obêc ma ge od Anutu ob vông vô xam i tiyi wê xam nêb xam ob kô ge, ên wê xam tu Yesu Kìlisi xe ge.

²⁰ Om il ob pimil il Mag Anutu i yêp luta lêc luta. Kiyang nôn.

Pol kiyang timuên

²¹ A nêl vidiên vô xam vihati wê xam tu Yesu Kîlisi xe ge. Di lige vông vinên vihati wê dô hixôn a ga, he êno nêl vidiên vô xam.

²² Xomxo vông vinên wê vông yuac vac king Sisa ben ge he mi xo xam nginong, om he êno nêl vidiên vô xam, di xomxo vông vinên vihati wê dô vac vîgwe tiga ge nêl vidiên vô xam.

²³ Vizid nivîha wê Apumtau Yesu Kîlisi vông ge i viac xam vihati.

Yesu Xolac
The New Testament in the Patep Language of Papua
New Guinea
Nupela Testamen long tokples Patep long Niugini
copyright © 1986 Wycliffe Bible Translators, Inc.

Language: Patep

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-14

PDF generated using Haiola and XeLaTeX on 18 Apr 2025 from source files dated 31 Aug 2023

3d2c844d-4bc8-590b-bbf2-3a5fcd1f7ad8